



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU STRANKE PENZIONERA-UMIROVLJENIKA BOSNE I HERCEGOVINE

Broj: 03-07-6-348/19  
Sarajevo, 18.09.2020. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Stranke penzionera-umirovljenika Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2018. godinu, utvrđeno je da je Stranka penzionera-umirovljenika Bosne i Hercegovine prekršila odredbe člana 4. stav (1), člana 5. stav (4), člana 6. stav (2), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke penzionera-umirovljenika Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka penzionera-umirovljenika Bosne i Hercegovine se finansirala iz sljedećih izvora<sup>1</sup>:

R/B	Izvori finansiranja	Iznos (KM)	Struktura (%)
1.	Članarina	88.088,30	60,07
2.	Prilozi fizičkih lica ( 3-a )	3.460,00	2,36
3.	Prilozi pravnih lica ( 3-b )	850,00	0,58
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	650,00	0,44
7.	Prihodi iz budžeta ( 3-f )	50.740,64	34,60
8.	Prihodi od propagande ( 3-g )	154,00	0,11
<b>I</b>	<b>Ukupni prihodi (1-8)</b>	<b>143.942,94</b>	<b>98,16</b>
<b>II</b>	<b>Ostali prihodi i drugo</b>	<b>2.693,45</b>	<b>1,84</b>
	<b>Izvori finansiranja (I+II)</b>	<b>146.636,39</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 180.364,98 KM.

## 2. PREDSTAVLJANJE POLITIČKE STRANKE

Naziv političke stranke je Stranka penzionera-umirovljenika Bosne i Hercegovine. Skraćeni naziv je SP-U BiH.

Stranka penzionera-umirovljenika Bosne i Hercegovine je registrovana kod Općinskog suda u Sarajevu, Rješenjem broj: R-I-4/02 od 23.04.2002. godine.

Sjedište političke stranke je u Sarajevu, Hasana Kikića 8<sup>2</sup>.

Lice ovlašteno za zastupanje stranke je Sonja Akšamija, predsjednica stranke.

Lice ovlašteno za finansijske izvještaje za 2018. godinu je Nadža Kunić.

Prema podacima iz godišnjeg finansijskog izvještaja za 2018. godinu, Stranka penzionera-umirovljenika Bosne i Hercegovine ima sljedeću organizacionu strukturu:

- SP-U BiH,
- 6 kantonalnih odbora i
- 45 gradskih i općinskih odbora.

<sup>1</sup> Podaci iz korigovanog obrasca 3 (izvori finansiranja) godišnjeg finansijskog izvještaja za 2018. godinu, koji je dostavljen dana 04.08.2020. godine.

<sup>2</sup> Stranka je dana 28.05.2019. godine obavijestila Centralnu izbornu komisiju Bosne i Hercegovine da je novo sjedište stranke u Sarajevu, Hasana Kikića 8.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke penzionera-umirovljenika Bosne i Hercegovine za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Stranke penzionera-umirovljenika Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Pregled i kontrola finansijskih izvještaja Stranke penzionera-umirovljenika Bosne i Hercegovine izvršeni su u periodu od 2005. od 2017. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je Izvještaj o pregledu sa mišljenjem revizora, nalazima i preporukama stranci: da vodi evidencije o prihodima, bez obzira na koji način ih ostvaruje, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Stranka penzionera-umirovljenika Bosne i Hercegovine nije ispoštovala sve preporuke.

### 5. NALAZI I PREPORUKE

#### 5.1 NALAZI

#### **a) Stranka penzionera-umirovljenika Bosne i Hercegovine prekršila je odredbe člana 4. stav (1) Zakona o finansiranju političkih stranaka<sup>3</sup>.**

Stranka penzionera-umirovljenika Bosne i Hercegovine je u godišnjem finansijskom izvještaju za 2018. godinu iskazala ukupne rashode u iznosu od 180.364,98 KM, od čega su troškovi Centrale stranke iznosili 70.935,86 KM, a troškovi ostalih organizacionih dijelova 109.429,12 KM.

Uvidom u Plan prihoda i rashoda za 2018. godinu, koji je dostavila Stranka penzionera-umirovljenika Bosne i Hercegovine, utvrđeno je da je stranka planirala rashode u ukupnom iznosu od 161.301,56 KM.

Analizom dostavljenog Plana prihoda i rashoda za 2018. godinu, utvrđeno je da plan nije sačinjen na način da se obezbijedi potpuna transparentnost planiranog trošenja sredstava, kao i njihova uporedba sa ostvarenim troškovima. Ističemo da je stranka u planu predvidjela i prenos članarine opštinskim i gradskim odborima u iznosu od 73.600,00 KM, te stavke prenosa sredstava u iznosu od 6.935,82 KM, što ne predstavlja trošak, već prenos sredstava između organizacionih odbora unutar same stranke.

---

<sup>3</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Stranka penzionera-umirovljenika Bosne i Hercegovine je u primjedbama na Preliminarni izvještaj o pregledu godišnjeg finansijskog izvještaja za 2018. godinu navela da se dostavljeni Plan prihoda i rashoda za 2018. godinu odnosi samo na Centralu stranke, te da su i niži organizacioni dijelovi stranke sačinjavali svoje planove. Međutim, Stranka penzionera-umirovljenika Bosne i Hercegovine nije Centralnoj izbornoj komisiji Bosne i Hercegovine dostavila planove prihoda i rashoda nižih organizacionih dijelova za 2018. godinu ni uz godišnji finansijski izvještaj za 2017. godinu, niti u toku obavljanja pregleda finansijskih izvještaja za 2018. godinu, što ukazuje da su niži organizacioni dijelovi stranke finansijska sredstva u iznosu od 109.429,12 KM utrošili mimo plana utroška sredstava.

Pored navedenog, pregledom godišnjeg finansijskog izvještaja utvrđeno je da je Centrala stranke sredstva u iznosu od 4.258,70 KM utrošila mimo Plana prihoda i rashoda za 2018. godinu, tj. nije planirala sve troškove, dok je pojedine troškove ostvarila u većem iznosu u odnosu na planirane, kako slijedi:

- Stranka u planu rashoda nije predvidjela troškove usluga kopiranja, dok je troškove održavanja planirala u iznosu od 200,00 KM. Uvidom u poslovne knjige utvrđeno je da su troškovi usluga kopiranja iznosili 701,54 KM, a troškovi održavanja 256,75 KM<sup>4</sup>;

- Troškovi ugovora o djelu i isplate za rad u Predsjedništvu, Nadzornom odboru i Aktivu žena, putne troškove i rad u komisijama za Centralu stranke planirani su u ukupnom iznosu od 20.700,00 KM. Prema podacima iz finansijskog izvještaja, ovi troškovi su ostvareni u iznosu od 23.341,68 KM, što je za 2.641,68 KM više u odnosu na plan.

U obrascu 4.1 (režijsko-administrativni i ostali troškovi) u okviru troškova ugovora o djelu, stranka je iskazala i putne troškove.

- U planu prihoda i rashoda planirani su troškovi ptt usluga, telefona i interneta u iznosu od 2.000,00 KM, dok su isti ostvareni u iznosu od 2.809,59 KM; i

- Troškove reprezentacije Centrala stranke je planirala u iznosu od 800,00 KM, dok je iste ostvarila u iznosu od 49,14 KM.

Stranka penzionera-umirovljenika Bosne i Hercegovine je prekršila odredbe člana 4. stav (1) Zakona o finansiranju političkih stranaka jer nije sačinila plan utroška sredstava na pravilan način, te je finansijska sredstva obezbijeđena za finansiranje stranke utrošila mimo utvrđenog Plana prihoda i rashoda za 2018. godinu.

**b) Stranka penzionera-umirovljenika Bosne i Hercegovine prekršila je odredbe člana 5. stav (4) i 6. stav (2) Zakona o finansiranju političkih stranaka.**

(1) Stranka penzionera-umirovljenika Bosne i Hercegovine nije u skladu sa članom 6. Pravilnika o godišnjim finansijskim izvještajima političkih stranaka izdala potvrde o prilogima koje je primila od Jasminke Baltić, Rasima Bojčića, Sonje Akšamije, Fadila Alihodžića i Envera Pašića, čime je prekršila odredbe člana 5. stav (4) Zakona o finansiranju političkih stranaka. Stranka je umjesto kopije potvrda dostavila kopiju naloga za uplatu sredstava.

Pored navedenog, uvidom u izdate potvrde o primljenim prilogima fizičkim i pravnom licu, utvrđeno je da iste ne sadrže sve elemente propisane članom 6. Pravilnika o godišnjim finansijskim izvještajima političkih stranaka. Naime, potvrde ne sadrže serijski broj potvrde, te nisu potpisane od strane ovlaštenog lica.

U skladu sa članom 6. stav (1) Pravilnika o godišnjim finansijskim izvještajima političkih stranaka, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

<sup>4</sup> U okviru troškova usluga, stranka je iskazala troškove usluga kopiranja i troškove održavanja.

(2) Kontrolom finansijske dokumentacije utvrđeno je da Gradski odbor SP-U BiH Tuzla članarine prikupljene u gotovom novcu, putem blagajne, u iznosu od 293,00 KM nije uplatio na transakcijski račun u roku od 10 dana od dana prijema uplate, čime su prekršene odredbe člana 5. stav (4)<sup>5</sup> Zakona o finansiranju političkih stranaka.

- Uvidom u izvode sa transakcijskog računa i blagajničke naloge naplate, utvrđeno je da je Gradski odbor SP-U BiH Tuzla dana 07.02.2018. godine na transakcijski račun Glavnog odbora stranke uplatio članarine u iznosu od 207,00 KM koje su prikupljene u periodu od 15.11.2017. do 01.02.2018. godine. Kontrolom blagajničkih naloga naplate utvrđeno je da su, od ukupno uplaćenih sredstava, samo sredstva u iznosu od 36,00 KM uplaćena u skladu sa odredbom člana 5. stav (4) Zakona o finansiranju političkih stranaka.

-Kontrolom blagajničkih naloga naplate utvrđeno je da su sredstva u iznosu od 122,00 KM, koja je Gradski odbor SP-U BiH Tuzla uplatio na transakcijski račun Glavnog odbora stranke dana 25.08.2018. godine, prikupljena u gotovom novcu, na blagajni ovog odbora, u periodu od 22.02.2018. do 17.07.2018. godine.

(3) Pregledom godišnjeg finansijskog izvještaja utvrđeno je da prilozi fizičkih lica nisu uplaćeni na transakcijski račun Glavnog odbora stranke, čime su prekršene odredbe člana 6. stav (2) Zakona o finansiranju političkih stranaka.

- Stranka je u obrascu 3-a (prilozi fizičkih lica) KO Zenica iskazala priloge dva fizička lica u ukupnom iznosu od 500,00 KM, a u obrascu 3-a OO Tuzla priloge tri fizička lica u ukupnom iznosu od 70,00 KM.

Uvidom u izvode sa transakcijskih računa Glavnog odbora stranke, utvrđeno je da na račune Glavnog odbora nisu uplaćeni prilozi fizičkih lica u ukupnom iznosu od 570,00 KM.

- Sredstva prikupljena od fizičkih lica u gotovom novcu u iznosu od 700,00 KM nisu uplaćena na transakcijski račun Glavnog odbora stranke, već na transakcijski račun OO Maglaj.

Kontrolom prihoda koje je stranka iskazala u godišnjem finansijskom izvještaju, utvrđeno je da je OO Maglaj primio sredstva u blagajnu, dana 26.04.2018. godine, u iznosu od 700,00 KM, te da je izvršio uplatu prikupljenih sredstava na svoj transakcijski račun. Sredstva je prikupio Aktiv žena i to prema spisku lica za ekskurziju u Mostar.

**c) Stranka penzionera-umirovljenika Bosne i Hercegovine prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Pregledom godišnjeg finansijskog izvještaja za 2018. godinu utvrđeno je da Stranka penzionera-umirovljenika Bosne i Hercegovine nije vodila pravovremene i pravilne evidencije o prihodima, rashodima i obavezama i nije popunila obrasce godišnjeg finansijskog izvještaja za 2018. godinu u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Kontrolom priloga fizičkih lica utvrđeno je da je stranka prihod od prodaje banera u iznosu od 70,00 KM evidentirala kao prilog fizičkog lica Fahrudina Šepera, čime je prekršila odredbe člana 13. i 14. Pravilnika.

Gradski odbor SP-U BiH Zenica je, dana 16.10.2018. godine, izvršio prodaju jednog banera fizičkom licu Fahrudinu Šeperu po cijeni od 70,00 KM.

Uvidom račun dobavljača „Alfa&Omega marketing” d.o.o. Tešanj broj: 313-10-18/2018 od 11.10.2018. godine u iznosu od 1.221,48 KM, koji je dostavila stranka, utvrđeno je da je Centrala stranke izvršila nabavku tri banera različitih dimenzija i to: baner dimenzija 9,5x4,5 m sa

---

<sup>5</sup> Ovlašteno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

kederom po cijeni od 976,95 KM, baner dimenzija 494x265 cm po cijeni od 197,73 KM i baner dimenzija 300x100 cm po cijeni od 46,80 KM.

Uvidom u poslovne knjige utvrđeno je da je stranka nabavku banera umjesto na kontu sitnog inventara evidentirala na kontu troškova predizbornih aktivnosti, čime nisu uspostavljene ispravne evidencije. Stranka je u poslovnim knjigama za 2020. godinu izvršila ispravku knjiženja nabavke banera.

- (2) Uvidom u poslovne knjige i dodatnu dokumentaciju, utvrđeno je da je stranka u poslovnim knjigama evidentirala prihode OO Glamoč i OO Maglaj po osnovu prikupljenih članarina u 2017. godini u ukupnom iznosu od 2.507,30 KM, što ukazuje da stranka nije uspostavila pravovremene evidencije o svojim prihodima.

Takođe, stranka je interni prenos sredstava u ukupnom iznosu od 167,00 KM između Gradskog odbora SP-U BiH Zenica i Kantonalnog odbora SP-U BiH Zenica evidentirala u poslovnim knjigama i iskazala u godišnjem finansijskom izvještaju kao prihode, što je suprotno računovodstvenim propisima i odredbama člana 13. stav (5) Pravilnika.

- (3) U obrascu 3-g (prihodi od propagande) godišnjeg finansijskog izvještaja stranka je iskazala prihode u iznosu od 154,00 KM. Uvidom u dokumentaciju koju je dostavila stranka, utvrđeno je da su sredstva u iznosu od 154,00 KM prikupljena od tombole koju je organizovao KO SP-U BiH Zenica, dana 01.04.2018. godine. Takođe je utvrđeno da je cijena ulaznica na zabavu iznosila 10,00 KM, te da su robne nagrade za tombolu obezbijedili sljedeći donatori: „Orhideja in perlas”, Auto praonica „Car-Wash”, UP „Salčinović”, Udruženje žena „Jalija”, Frizerski salon „Admira”, Muški frizerski salon „Fahro”, Turistička agencija „Zen tours”, Kozmetički studio „ME Dea” i Studio „Pyrus”.

Stranka u poslovnim knjigama nije evidentirala troškove organizacije zabave, prihode od naplaćenih ulaznica i nenovčane donacije donatora, niti je iste iskazala u obrascima godišnjeg finansijskog izvještaja.

- (4) Stranka je u obrascu 4.1 (režijsko-administrativni i ostali troškovi) u okviru troškova ugovora o djelu iskazala putne troškove u iznosu od 4.364,50 KM, te nije iskazala tačan iznos troškova ugovora o djelu. Takođe, stranka nije troškove ugovora o djelu evidentirala po organizacionim dijelovima, čime bi stvorila pretpostavke da pravilno popuni obrasce finansijskog izvještaja.
- (5) Stranka penzionera-umirovljenika Bosne i Hercegovine nije u godišnjem finansijskom izvještaju i poslovnim knjigama iskazala pravilne i potpune podatke o troškovima zakupa poslovnih prostora koje su koristili odbori stranke u Varešu, Bihaću, Zenici, Centru Sarajevo i Tuzli, čime je prekršila odredbe člana 21. i člana 22. Pravilnika.

-Uvidom u dokumentaciju o korištenju poslovnih prostora utvrđeno je da stranka nije evidentirala u poslovnim knjigama i iskazala u godišnjem finansijskom izvještaju troškove zakupa poslovnih prostora koje su koristili sljedeći organizacioni odbori stranke Vareš u iznosu od 438,00 KM<sup>6</sup> i Bihać u iznosu od 500,40 KM<sup>7</sup>.

-Troškove zakupa poslovnog prostora koji je koristila u Zenici stranka je iskazala u manjem iznosu za 34,00 KM u odnosu na ugovorenu cijenu zakupa.

-Stranka je u godišnjem finansijskom izvještaju troškove zakupa poslovnih prostora iskazala u većem iznosu u odnosu na ugovorenu cijenu zakupa organizacionog odbora Centar Sarajevo za 302,52 KM, a GO Tuzla za 896,70 KM.

S obzirom da nije evidentirala sve troškove zakupa, tako ni obaveze prema zakupodavcima nisu tačno iskazane na obrascu 5 (obaveze) godišnjeg finansijskog izvještaja, što je suprotno odredbama člana 24. Pravilnika

<sup>6</sup> Prostorije Opštine Vareš.

<sup>7</sup> Prostorije Grada Bihaća.



**d) Taksu za ovjeru prijave za učešće na Opštim izborima 2018. godine Stranka penzionera-umirovljenika Bosne i Hercegovine je uplatila sa redovnog računa stranke.**

Stranka penzionera-umirovljenika Bosne i Hercegovine je otvorila namjenski račun za finansiranje kampanje, ali je taksu za ovjeru političke stranke za učešće na Općim izborima 2018. godine uplatila sa glavnog računa Glavnog odbora stranke broj: 3389002205909602.

Stranka je u Prijavi za ovjeru političke stranke za učešće na Općim izborima 2018. godine u dijelu koji je predviđen za podatke o broju namjenskog računa za finansiranje kampanje navela transakcijski račun stranke broj: 3387302238034147.

Članom 4.4 Izbornog zakona Bosne i Hercegovine propisano je da prijava za ovjeru sadrži broj računa za finansiranje izborne kampanje.

Pravilnikom o prijavi i uslovima za ovjeru političkih subjekata za učešće na Općim izborima 2018. godine („Službeni glasnik BiH“, broj 29/18), Centralna izborna komisija Bosne i Hercegovine propisala je formu i sadržaj prijave za ovjeru političkih subjekata, te obavezu političkim strankama da taksu za ovjeru prijave za učešće na Opštim izborima 2018. godine uplate sa svog transakcijskog računa koji će se namjenski koristiti za izbornu kampanju tokom Opštih izbora 2018. godine.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>8</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH stranka je u svrhu izborne kampanje mogla da potroši 1.116.344,50 KM.

Stranka penzionera-umirovljenika Bosne i Hercegovine je u godišnjem finansijskom izvještaju za 2018. godinu iskazala troškove kampanje u iznosu od 20.704,71 KM.

### **5.2 PREPORUKE**

*Preporučuje se Stranci penzionera-umirovljenika Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da sačinjava program utroška na pravilan način i da finansijska sredstva obezbijedena za finansiranje stranke koristi u skladu sa utvrđenim programom utroška sredstava,*
- *da izdaje potvrde o prijemu priloga, te da sadržaj potvrde uskladi sa odredbama člana 6. Pravilnika o godišnjim finansijskim izvještajima političkih stranaka,*
- *da, u skladu sa odredbom člana 5. stav (4) Zakona o finansiranju političkih stranaka, članarine prikupljene u gotovom novcu uplaćuje na transakcijski račun u roku od 10 dana od dana prijema uplate,*
- *da se u skladu sa odredbom člana 6. stav (2) Zakona o finansiranju političkih stranaka, prilozi uplaćuju na račun centrale stranke,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da postupa u skladu sa podzakonskim aktima koje donosi Centralna izborna komisija Bosne i Hercegovine.*

---

<sup>8</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

**KOMENTAR:**

U ostavljenom roku, Stranka penzionera-umirovljenika Bosne i Hercegovine je dostavila primjedbe na Preliminarni izvještaj o pregledu godišnjeg finansijskog izvještaja za 2018. godinu. Stranka je, takođe, izvršila i korekcije pojedinih obrazaca godišnjeg finansijskog izvještaja, čime je djelimično otklonila utvrđene nedostatke.

Služba za reviziju je uvažila sve argumentovane primjedbe stranke, te je korigovala nalaze revizije date u Preliminarnom izvještaju o pregledu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić